


福州府志

六十六之九


廿六



漢書門類			
九	一〇	八	一
一	〇	三	一
三	〇	四	三
冊	架	函	號

內閣文庫		
九	一〇	八
一	〇	三
三	〇	四
冊	架	函

內閣文庫		
番號	漢	9081
冊數	30 (27)	
函號	292	102



福州府志卷之六十六

人文志十四

遷寓

淺草文庫

陳虞寄字次安會稽人寄仕梁為宣城王國左常

侍嫺於文詞常上瑞雨頌武帝謂其兄荔曰卿家士

龍也侯景之亂避地入閩陳寶應據郡欲署幕職

固辭寶應有逆志寄上書屢諫不從遂隱居東山

杜門稱疾寶應怒遣人焚其舍寄安卧不動縱火

者尋自救之寶應敗僚佐賓客多誅死惟寄獲免

閩人愛寄名其隱所曰虞公菴

唐韓偓字致堯京兆萬年人昭宗時爲翰林學士避朱全忠既與常侍李洵中書舍人王滌補闕崔道融司農王標吏部郎中夏侯淑員外郎王拯刑部員外郎楊承休弘文館直學士楊贊圖王侗集賢殿校理歸傳懿皆文學名彥周游荆襄吳楚間以閩最安遂同依王審知以居天祐間天子思偓忠復召之偓終不敢入朝著有內庭集金鑾密記香奩諸集

周朴字太朴吳興人唐季避亂居福州烏石山僧寺性喜吟詩每遇景物按竒抉思日旰忘返與僧靈觀長官薛逢爲友黃巢陷城得朴將用之朴曰吾尚不臣天子肯從賊乎巢怒殺之湧白膏數尺後人以爲神祀烏石山詔賜廟號曰剛顯

宋李綱字伯紀邵武人建炎間拜丞相爲言者論罷屢遭貶竄紹興初始許自便居福州後數歲卒于寓舍塋郡之沙溪山綱宋名相雖流落不忘國家之憂韓世忠旣克范汝爲欲屠建州綱亟往救

之世忠入城乃別誅有罪者謂父老曰全汝曹命
李相公力也初張浚在諫垣三疏攻綱及浚亦自
政府謫福州綱與之歡然相得浚召還因附奏以
進高宗雖不能用深知其忠嘆曰大臣不當如是
耶綱事詳宋史

朱熹字元晦婺源人父松宦閩生熹因家建陽熹
紹興十八年進士官終華文閣侍制謚曰文贈太
師追封徽國公趙汝愚守福州時熹避僞學禁入福
州名山勝蹟杖屨殆遍若鼓山方山烏石鳳丘諸
處皆有題刻至今存焉郡從學者甚衆黃幹林暮
用中允中學蒙學履夔孫師曾大春憲卿劉砥劉
礪潘植潘柄程若中余偶蔣康國陳枅孔碩孔夙
曾逢震鄭文適性之昭先皆其著者也熹登第五
十年仕於外者僅九考立朝纔十四日踪跡在閩
日居多事詳宋史

元鄭潛字彥昭歙縣人元至正中爲福建監察御
史擢廉訪使後以泉州路總管致仕寓居懷安瓜
山嘗建義倉以教里之子第又置渡舟於白苗陽

崎二江口買田給操舟者之費郡人至今利之
藍光字仲晦臨川人元末受業吳澄與危素爲同
門友素入中書薦之適朶仲謙參政江西辟光從
事以功授南安路知事轉閩省照磨尋陞檢校綜
理閩清邑事改行省都事因家於閩元亡素復爲
國朝侍從官又荐光光謝病不起深衣幅巾家居
教授五十餘載卒年九十九塋玄沙

國朝羅倫字彝正吉永豐人成化丙戌進士第一
授翰林院脩撰始倫對大廷引宋臣程頤言人主
一日之間接賢士大夫之時多親宦官宮妾之時
少以爲諷執政欲易之倫不從時論躓焉旣拜官
僅兩月大學士李賢葬父還京乞終制不許遂視
事倫上疏歷陳古今起復之非反覆千餘言詞甚
切直忽 旨從中出謫倫福建市舶司副提舉有
請于賢以文彥博待唐介故事者賢曰潞公市恩
歸怨 朝廷吾不可襲也是冬賢死明年召倫還
爲南京翰林院脩撰尋以疾乞歸垂十年卒于家
正德中追謚文毅倫在閩學者仰之如山斗矧一

福州府志卷之六
三十三
峰書院以祀

舒芬字國裳進賢人正德丁丑進士第一授翰林院脩撰十四年己卯

武皇帝欲南巡登泰岱歷淮楊沂吳越浮江漢時
寧藩乂蓄異志待釁而發中外以爲憂大臣科道
交疏諫不聽於是翰林部司成起而諍芬疏先入
兵部郎中黃鞏等疏亦連入

上大怒下鞏等于獄罰芬等跪午門明日命錦衣
衛杖芬等一百有七人各三十爲首者調外任芬
謫福建市舶司副提舉

世皇帝嗣位召復原官尋以憂還卒隆慶間贈諭
德謚文節芬與倫風節相類今並祀于兩賢祠
豐熙字原學鄞縣人嘉靖初熙爲翰林學士與永
嘉張相議禮不合謫戍鎮海衛寓于三山之西郊
蓋十有七年而卒熙有文名陸沉旣乂旅舍恒不
給頗干有司然世以其忤權客死莫不憐焉

論曰自漢以賈誼傳長沙而遷客之名起焉世之
問謫居者輒引爲况然長沙有誼千古重此都矣

晉安越在南服遷寓相望避地者托跡於崇阿辭
榮者幽棲于空谷若宋之李伯紀則以排和議而
擯于權奸朱元晦則以明聖真而指爲僞學斥逐
禁錮坎壈終身而一時小人攻擊紛拏張朋黨之
羅直空人國而後已乃易世而下杖屨所臨千巖
增色寸石騰輝彼蔡京章惇呂惠卿之流至令子
孫羞以爲祖後之人柰何竟相尋不悟也

明興羅葵正舒國裳諸先進皆左遷茲土或忤權
相或嬰逆鱗跡其所邁固不啻賈生然而三山嶙
峴亦增重矣

福州府志卷之六十六終

福州府志

卷之六十六

遷寓

六

福州府志卷之六十七

人文志十五

仙釋

漢何氏兄弟九人武帝時父為淮南王客九人逆
 知王必敗遂入閩初居福州九日山煉丹後徙九
 鯉湖仙去四方乞靈多奇驗
 徐登永福人少牧牛山巔遇異人得仙術時有東
 陽趙炳者亦得仙術遇于高蓋山各試所能登能
 禁水為不流炳噴酒着樹輒成花又有莊君平者

不知何許人居福州人亦疑其仙云

董奉字君異候官人少得道嘗遊交州刺史杜燮病死已三日奉以三丸藥納之口中食頃更生奉嘗山居種杏七萬株森然成林虎爲之守鄉有白龍能作祟奉驅符斬之絕其妖長樂至今稱其山

曰董峰

梁王霸自齊時渡江入閩居西郊之外少好黃老之術嘗於怡山鑿井煉藥能爲黃金歲饑則鬻煉金市米以濟貧者唐貞元中觀察使卽其宅建爲

冲虛宮祀之并祀任放董奉徐登爲四仙祠

唐任放天寶中修煉于福州大鵬山後于此山上

昇因名昇山今洗藥池昇仙臺遺址猶存

按陶隱居集云

晉太康中任敦自茅山往居大鵬山王霸宅得金版仙訣未知孰是

黃太和候官人少好導引術年三十餘卽棄家入鼓山妻子求之不得大順初跌坐蹇鼈橋黃璞遊山偶見之問其家世則璞五世祖也璞悲泣請還家堅不聽明日率家人往謁不復見

宋白玉蟾字白叟原姓葛名長庚閩清人七歲能

文應童科後隱武夷山事陳翠虛九年得道博洽
儒書為詩文操筆立就草書若龍蛇飛動尤精篆
隸著有白真人文集

彭耜字季益閩縣人早有文譽師白玉蟾得太乙
刀圭火符之術隱居鶴林與妻潘葢珠烹煉九鼎
厥後俱尸解詔封鶴林真人

張聖永福農家子貌絕醜採薪山中遇異人噉以
苦桃又與以瓢中水自此絕粒素不知書忽援筆
能作字言人休咎多奇中卒而鄉人祀之

唐義存姓曾氏年十七落髮咸通中卜雪峰開堂
說法唐僖宗賜號真覺大師著有雪峰語錄侍御
史黃滔銘其塔

師備閩縣人布衲芒屨終日宴坐閱楞嚴經發明
心地時諸方禪學有所未決必從請益詔賜宗一
禪師


神晏姓李氏其先大梁人年十二出家梁開平初
年閩王迎主鼓山嘗誦經靈源洞水聲喧轟叱之
水逆流東澗

義收不知何許人居萬歲寺時春不雨至夏義收
 迺積薪通衢自焚以禱烟舉而雨降其後洪州大
 旱聞其名詣請收斷左臂與之臂入境雷雨大作
 其臂隨飛去是日收閉關入定出關兩臂宛然
 大智禪師長樂人幼事龍泉禪師浣巾于井見二
 小龍戲水中以鉢探二龍獻于師師奇之令削髮
 遊方因戒曰逢馬則參逢丈則止後至百丈山參
 馬祖禪得道著有叢林清規傳于世

僧銓居連江獨覺巖宣宗時與怡山大滄為友峯
 頂有巨石銓指叱之詰旦移山下儼成一室銓跌
 坐其中巖有猛虎為獵矢所中銓為拔去後數日
 瘡愈虎來謝出入相隨政和元年勅賜慈惠禪師

宗本逸閩縣人九歲出家參廬山禪師入室頓悟
 宗旨元豐中詔住大相國寺賜正覺禪師

論曰攻乎異端聖有明訓仙釋之流君子所不語
 也然盈宇宙間有窮於理而為衆有之所無亦有
 生於事而為衆無之所有者是故遼東歸鶴去家
 已越千年山中殘碁罷局忽更數世尚方之雙鳥



羽翎西還之隻履翩翩此皆志之齊諧要當存而
不論耳若夫羽翰生於白日何益尋常孟鉢發乎
青蓮總歸幻妄祈靈者空勞於泰時捨身者罔救
於臺城司世教者毋以正從邪毋以邪亂正則常
道大明而群慝不作矣詩曰我求懿德肆于時夏

福州府志卷之六十七

福州府志卷之六十八

人文志十六

邪佞

宋林希字子中福清人嘉祐二年進士神宗朝同
知太常禮院遣使高麗希聞命懼形于色上怒責
監杭州店務歷遷中書舍人言者疏其行誼浮偽
士論羞薄不足玷同列出知蘇州進知成都府會
哲宗親政章惇用事欲使希典書命逞壽於元祐
諸臣且許以執政希欣然任之遂留為中書舍人

時方權明紹述諸密議希皆與聞凡司馬光呂公著大防劉摯蘇軾蘇轍十人之制悉希爲之詞極醜詆至以老姦擅國陰斥宣仁讀者無不切齒一日希草制罷擲筆於地曰名節壞矣歷遷吏部尚書始惇疑曾布於樞府間已使希爲貳以相伺察希怨惇不引爲執政遂叛惇附布會邢恕論希罪惇因奔去之罷知亳州布不能救也徽宗立以其詞命醜詆之罪奪職以死希祖高父槩弟旦皆名賢希獨不類爲家聲之玷云

林攄字彥振長樂人徙姑蘇以父蔭得官蔡京講明熙寧元豐故事引爲援累遷翰林學士初朝廷數取西夏地遼爲請命攄報聘承京密旨語言激怒遼人以開邊隙遼絕其飲食者三日乃遣還言官論其生事桃繫猶除禮部尚書因遼人來訴出知潁州尋召爲開封尹會張懷素妖事覺攄同御史余深禱治得士民交關書䟽數百攄請悉焚之以安反側而京與懷素最密攄實爲京地也京德之加秩二等一歲九遷至光祿大夫值臚唱貢士

樞當傳姓名不識甄盎字帝笑曰卿誤耶樞不謝而肆詆同列御史彈其寡學倨侮失人臣禮黜知滁州尋起越州永興軍徙大名府復爲帝言遼國携貳兼而有之甚易蓋以曩辱故脩怨云其後北伐實兆於此加觀文殿學士言者復論罷之還姑蘇瘍生於首而卒詔錄其子偉直秘閣數月死嗣遂絕靖康元年以京黨追貶

余深羅源人元豐五年進士及第累官御史中丞治張懷素獄事連蔡京與開封尹林樞曲爲掩覆獄辭連京者輒焚之京遂立引深驟至執政京旣致仕深不自安累疏請罷出知青州政和初京再赴都堂治事深復入爲門下侍郎七年拜少宰遷太宰進少保封豐國公尋加恩特進觀文殿太學士深諂附蔡京結爲死黨京姦謀詭計深多功力焉屢爲言者所彈建炎初降中大夫臨江軍居住子日章徽猷閣侍制亦以論免

王祖道字若愚閩縣人治平二年進士累官左司諫徽宗疾其依阿苟容出知海州轉知桂州蔡京

方開邊祖道欲乘時徼富貴誘王江苗楊晟免等使納土夸大其辭言向慕者百三十峒五千九百家十萬餘口幅員二千里宜置溪峒司王之詔以祖道爲懷遠軍又言黎人爲患六十年今願內附得地千五百里請增提舉溪峒官又言地文蘭那四州皆內附請立安撫都監累進祖道兵部尚書徭黎渠帥胥忿之蜂起侵剽詔問不能對京庇之猶除端明殿學士知復州復以刑部尚書召卒贈宣奉大夫祖道在桂四年厚以金帛官爵挑諸夷建城邑調其戍輦輸內地錢米無筭地瘴癘戍者亡大半實毫無益於縣官也蔡京旣自爲功祖道遂躡取顯榮張商英爲相追貶之京再相復還其秩是後龐恭孫張莊趙適程鄰皆以招地受上賞大都效尤祖道祖道起冗散驟致美官而朝廷受其敝矣

鄭丙字少融長樂人紹興十五年進士積官吏部尚書初浙東提舉朱熹行部至台州奏台守唐仲友不法事宰相王淮庇之丙迎合執政意劾熹欺

世盜名不宜信用御史陳賈和之其後爲慶元學
禁善類被厄丙寅實戎首云嘗知泉州爲政暴恣黎
民仇之

陳自強字勉之長樂人淳熙五年進士嘗爲韓侂
胄童子師侂胄一日畢集從官先延自強再拜次
召從官同坐徐曰陳先生窮途可念明日從官交
薦其才除太學錄數月遷秘書郎半載擢御史中
丞一月遂登樞府由選人至內地財四年嘉泰三
年拜右丞相歷封祈衛秦國公侂胄專權苞苴盛
行自強充貪鄙四方致書必題其緘某物併獻無
則不開縱子弟親戚關通貨賄仕進干請必諧價
而後予自強家火侂胄遺之萬緡執政及列郡聞
之各有助隨獲六十萬緡倍所失之數劾國用司
自爲國用使掎克民財州郡騷動方侂胄欲爲平
章猶畏衆議自強首率衆官入奏每稱侂胄爲恩
主恩父而呼其堂吏史達祖爲兄蘇師旦爲叔侂
胄將用兵自強實贊決之遂開邊禍吳曦有逆謀
求歸蜀厚賂自強爲請於侂胄縱之歸曦卒受金

命爲蜀王侂胄誅詔罷自強丞相未幾追三官永
州居住又責韶州安置復籍其家責雷州安置後
死於廣州

梁成大字謙之閩縣人開禧元年進士素苟賤亡
耻作縣滿秩諂事史彌遠家幹萬昕昕言真德秀
當擊成大曰使其得入臺當任之昕爲求通判楊
州尋遷宗正寺簿越六日拜監察御史首奏魏了
翁雖經追竄而罪大罰輕真德秀在僭悖繆宜削
秩貶竄上不聽止鑄三秩明年二月又奏楊長孺
寢新命徐瑄追三秩移象州居住胡夢昱移欽州
編管是冬拜成大右正言累遷刑部侍郎紹定六
年十月帝夜降旨黜之與祠已而諸臣交章論駁
鑄兩秩尋送泉州居住論者不厭再鑄秩徙潮州
成大天資暴狼心術險巇諸可賊忠害良者率攘
臂先之四方賂遺列真堂廡賓至導之使觀欲其
效尤也尤嗜豪奪冒占宇文氏賜第擯歸訟之者
數百人竄之日朝命毀其廬雖小人如李知孝亦
曰所不堪者他日與成大同傳耳蓋時指成大及

李知孝莫澤爲三凶故云

陳玟字經甫永福人嘉定十年進士淳祐中除左
司諫兼侍講遷侍御史與鄭宋周坦排斥善類寶
祐初以貪贓不法貶潮州死

論曰詩兼美刺故可以興楚之櫛杙以志戒也今
春秋用褒廢貶則亂賊無懼矣舊志章美而不黜
回使小賢與大不肖槩沒不稱是於中人薄壬人
厚也夫生前隆炎彼專擅之身後斧鉞巧而逃焉
史又安足畏乎用是別其附權誤國姦佞較著者
傳爲殷鑒卽市朝之肆不加于此矣

明興聖聖相承罔有竊威命而戕善類者安敢爲
前人誣至或媚勢乞憐聲名俱辱時得于朝野所
僉載要之是非久日始定姑闕以俟之嗟嗟百齡
景祖千古心在論世者能無惕然哉

府志卷之六十八


福州府志卷之六十九

人文志十七

列女

五代石氏二女長月華次雪英羅源人早失父母處州青巾作亂俱被掠長者曰吾寧死不受辱也即投於河次從之

宋利氏女古田人父卒獨與母居從兄公謙利財乘間殺其母逸去女誓復讐因削髮為尼歷四方求之至處州及湖南遇焉時公謙方擊毬不之覺



福州府志 卷之六
女走訴官竟寘于法事在建炎間

招捕使陳韓夫人林氏僊遊人也紹定間寇陷汀邵諸邑韓守延平林氏居家聞之卽治行赴韓官所曰死則同死耳延平人咸感激相告曰太守家尚爲死守計我輩何畏有從韓驅馳者其妻子林氏皆延之州宅故人盡死力未幾寇平議者雖韓素閒將畧林氏亦有助焉

劉仝祖妻林氏福清人宋亡其兄同與仝祖起義兵俱死之林氏爲有司所執令具反狀林叱曰林劉二族世爲宋臣欲以忠義報國不濟天也何爲反乎汝知去歲有以血書壁而死者乎是吾兄也吾死將殛汝可生爲汝等辱耶遂遇害

元柯宗實妻陳氏長樂人希亮女也至正間海賊掠其鄉陳念希亮老且病亟奔歸欲扶以避路爲賊所執陳且行且罵賊亂捶之挾以登舟罵不已忽躍而投於江其父方卧見女至呼之不應旣而賊中歸者言陳氏死狀乃知其鬼也屍逆流而上夫取歛之女弟適杜時賊至而杜外出姑曰汝年

少盍逃陳曰夫不在逃將誰從賊突至擊姑仆地
婦抱姑號泣賊掠之而去陳戟手罵賊斷其臂而
死

林娥古田儒家女也時邑有建寇民皆避地山間
娥為強暴所迫露刃臨之不屈遂遇害衆義其節
為擒賊收屍塋之

蔣國秀妻陳氏名道回古田人元至正十三年紅
巾寇縣道回見大姑蘇氏為虜乃詣賊懇代死賊
殺其大姑執道回欲汙之道回自刎死詔旌其門

陳義姑名中長樂人年十二父碩翁兄壽文繼亡
母又病失明兄遺孤坦生甫三月矣坦母鄭欲他
適義姑留之不從姑遂誓不嫁養母而撫兄孤族
人有利其產者每欲害坦姑備之得免母卒姑襄
大事併其父兄之喪坦長為婚娶姑年三十八竟
不嫁而卒坦服斬衰三年

國朝鄔孟妻王氏孟別有傳王氏性聰慧知大義
孟洪武間為御史鞫罪人其人闕孟之亡也致賂
而逸王氏急呼邏者獲之孟嘗以註誤當伏重法

王氏擊登聞鼓乞入爲奴贖夫罪 上特原焉孟
後竟以忤旨死其友人戶部員外郎張瑤歛孟遺
骸將爲歸葬王氏使謂曰幸少留待妾矣遂沐浴
自經未樂初旌其門

張氏閩縣王英妻英客死張氏扶柩還塋洪武初
有備倭武臣欲以重賄逼致之張誓必死置刃自
防日夜號哭不絕聲竟全其節

王氏長樂林以德妻年二十六而寡撫其子孔居
子卒又撫其孫享年九十有九卒洪武間旌之

潘氏長樂林祐妻也潘少許聘祐而父母死依伯
父以居祐又罪謫遠方度不能歸請絕婚矣邑人
有慕其色強委禽焉伯父將聽之潘不可吾林婦
也豈忍顛沛二心有死而已後祐得釋潘竟歸之
趙氏懷安馬珽保妻珽保死趙氏年二十四矢志
靡他有二子長閏次旺趙素知書家貧撫二子教
之閏長遊鄉校閏之孫俊領鄉薦今大司徒森趙
六世孫也始珽保少育于裴及大司徒貴乃上疏
復姓又聚族而謀吾始家馬坑窮鄉入閩城實自

吾六世祖始也向微祖母力今城中無馬氏矣且
祖母賢應旌典有司未之舉也其立節母堂世祀
之衆咸曰然南京兵部尚書汶上吳嶽爲之記謂
司徒事雖制限禮緣義起云

黃氏方鸞妻閩縣人年十六適鸞甫四載鸞卒黃
遂自殺時洪武九年也其時有爲夫而死者李廣
妻盧氏游政妻倪氏魏祐保妻陳氏俱福清人正
統間又有羅源饒建妻林氏隆慶間有長樂黃一
卿妻陳氏萬曆間又有福清林秉仁妻楊氏

戴四娘長樂陳伯惠妻伯惠早卒子全遺腹生戴
撫而教之全後舉永樂進士第二人歷翰林侍讀
戴年八十有八矣全歲時爲壽邑人高廷禮繪圖
以賀榜其堂曰貞壽大學士胡文穆公廣爲之記
張氏二賢母賴道慈古田人文孫之妻也陳道真
一清之妻也道慈生一清而早寡矢志弗渝陳奉
其姑備婦順焉節孝萃于一門矣道慈孫以寧官
翰林學士丐金華宋濂爲之傳

郭氏閩縣人葉時彥妻年二十八而寡其子理婦

朱氏年二十二而寡時彥理父子皆夭卒郭與朱
婦姑相依爲命理有遺腹順二節婦撫而長之葉
氏不絕者二節婦力也邑人都御史洪英爲記其

事

趙妙疏古田曾縉妻年二十五而寡誓不貳志事
舅姑以孝聞正統間寇亂舅姑爲賊所執趙冒白
刃哀求代死賊憐而釋之後家又厄於火趙紡績
資養姑嘗遭疾割股療之事聞 詔旌

劉氏閩縣李岳妻大學士瓊山丘文莊公濬爲記

其甘節堂略曰婦人不幸遭人倫之變而得以節
名豈甘爲是歟不得已也然其始終一節忘其苦
而以爲甘雖死不悔者蓋必有以見大天理民彝
之所當然而不容已則又非不得已也予於三山
李母甘節堂有感焉母年十九歸邑人李宗衡二
十八而寡子陸甫六歲家徒四壁內外期功之親
無一足恃者旦暮紡績自給百凡小大之事皆身
任之艱難阨塞備嘗之矣人蓋不勝其苦母則未
嘗告勞焉嗚呼芻豢之甘茶菹之嗜非不知茶菹

示少所志 卷之二十九
之苦也蓋必有以甘之者矣甘之故忘之忘之故
安之李母於此殆非不得已而然者歟今二孫同
領鄉薦而次孫廷美又登甲第蒙恩歸榮李氏門
驥駿大矣母之功也廷美介求予文以記其所謂
甘節堂者予亦早孤親見吾母之甘其苦無異李
母焉故爲之記如此俾持歸書堂之壁

陳氏懷安吳孟恭妻年二十適孟恭甫二月孟恭
疾將死謂陳曰吾大父早世賴大母守志以鞠吾
父吾父早世又賴吾母鞠吾今吾殆不起矣汝能
不辱吾大母及吾母乎陳泣應曰諾孟恭卒遺腹
一子又殤陳矢無二志正統間鄧茂七反寇至火
其居家蕩然矣卒奉姑終孟恭大母梁母陳

王氏福清陳和妻和早卒王奉舅姑以孝聞舅姑
又卒家貧不能葬王日夜號慟鄉人義之助舉三
喪

鄭氏閩縣余尚春妻尚春客死鄭扶柩以歸時其
祖姑及舅又相繼卒家貧三喪未舉或勸之曰曷
從俗火葬乎曰非禮也吾舅與吾夫儒者且孤亮

他日長寧無遺恨乎卒塋之以禮後亮領景泰間
鄉薦縉紳扁其堂孝節

鄭氏閩縣舉人林庭桂妻庭桂文安公長子也鄭
氏府同知必顯之女素閑家訓夫病割股和粥以
療年二十二守節卒年八十餘文安公子九人鄭
氏處諸妯娌和而有禮咸敬而法之知府葉溥奏
旌焉

鄧氏閩縣人鄭坦妻年十六歸坦未幾坦卒戚黨
憐其少微諷以言鄧氏卽引刀斷其兩耳性聰慧
凡列女傳孝經皆能口誦以坦弟之子雲鎬爲後
雖甚愛而不姑息日夜課令就學有司聞其賢者
莫不致禮焉鄧氏年八十餘卒 詔旌其門後以
嗣子雲鎬貴贈宜人

曾氏閩縣人學正羅惟遠妻也年二十七而寡以
子一鸞貴封恭人曾性明哲知大義惟遠有前妻
子一鸞撫之猶已出也一鸞少病頭瘍臭穢不可
近親爲洗滌療治蓋宗黨咸難之惟遠素慷慨樂
施每順承不違惟遠死有姻家常負惟遠金二百

餘不肯償及一鸞貴曾氏緣惟遠雅意取券焚之
陳氏閩縣人林焯妻焯爲吏客死家貧甚陳氏年
二十九而寡携孤童懋和歸鄉里撫而教之嘉靖
間以子貴封安人後懋和官至方伯陳氏年八十
餘而卒始懋和微時親故莫有恤之者及其貴也
陳氏不以前事芥蒂周恤林氏宗黨恩意尤至蓋
士大夫所難者

葉七娘閩縣翁文煇妻隆慶三年海寇劫其鄉海
與虜男女七十餘人葉不肯行賊以刃迫之呼曰
吾死不從賊賊怒斷其兩臂而死官爲給葬

王瓊妹福清王汝采女也莆人陳商聘之未娶而
商卒女告其母奔陳爲持喪居數歲會嘉靖末倭
寇其鄉峯頭瓊妹被執不辱拾刀自殺賊義而歛
之併釋諸同虜者

林烈女名賓候官人少許聘同邑黃材未及娶而
材卒烈女年十八矣聞之號慟奔材殯所誓天不
貳材家貧烈女脫簪珥易棺葬之獨居紡績其節
尤苦 詔旌之

二陳烈女俱福清人陳蘭女許聘林招德未娶而招德溺死女即矢節歸林孝奉尊嫜雖凶年而養未嘗缺精於女紅獨處一樓日夜杼軸聲不絕邑人益重其賢布數尺爭市之號曰節女布云

陳鏡女亦許聘施元衡將婚而夫卒鏡女聞之即自縊母救而止之遂適施紡績奉姑舅與蘭女同節嘉靖間有司上其事得旌蘭女以居遠鄉猶未之舉

廖貞女吉安羅文毅公傳貞女名璧閩縣人父元熙與彭嶽素厚善許女其子夢槐明年嶽死女為去容飭不御若心喪然年十八歸彭有期矣夢槐舟行溺死女聞訃哀憤即欲自經母防視弗獲乃請于祖母及母往視殮撫屍慟哭聲酸裂屍若為更生泫泫且出淚口鼻血迸流廖氏挽之還踊而呼父母既以兒許人復何歸乎父母遂不忍復有言貞女舅嶽故江西人也娶于羅客閩復納薛氏舉夢槐嶽卒後羅與薛時不相能貞女泣諫曰新婦所恃為命者二姑今二姑不一心若此新婦將

何依耶言訖又慟哭二姑感動亦哭遂和好無間
時彭氏家落夢槐又無兄弟可賴特聞者莫不心
惻嘆嗟洪先曰獄所娶卽予從姑余姑產一子携
入閩天死歲時音問恒爲之悲故聞貞女甚悉茲
事蓋傳實也貞女於萬曆五年卒年五十六七年
詔旌

林氏二烈女長金小次玉小閩縣人熹女也金小
年二十嫁連江鄭輝育一子矣玉小笄而未嫁也
嘉靖四十二年倭入寇至其村壺江金小適歸寧
與妹扶母乘舟避之賊突登舟二女恐見汚皆自
投于江金小且死置其子謂母抱還鄭玉小則脫
簪珥與母聞者莫不酸哀數日二屍逆流而上其
父收葬之

貞女閩縣有林氏名順故民文炤女幼許鄭鳴
鶴黃氏名坤姐幼許林啓愚彭氏幼許李科候官
有陳氏名莊卿金華知府京孫女幼許周大樂林
氏名綬御史塘孫女幼許張組廖氏名以莊生負
世經女幼許周文李氏名珊故民彬女幼許邵

文典林氏名富姐幼許黃廷桂連江有林氏名順
德知州金女幼許孫夢弼陳氏故民宗權女幼許
黃應龍永福有黃氏名淑真知縣楷女幼許方時
興福清有魏氏名聚金生負奇春女幼許林一蓮
鄭氏名勤娘故民籌女幼許嚴仕擢陳氏名細舉
幼許鄭從岳林氏名細銀幼許王一法福州衛有
李氏名芸卿指揮澍女幼許葉露澤皆未婚而奔
其喪之死矢靡忒者觀風使者先後上其事 詔
各旌其門獨閩縣林氏順未旌而督學憲副耿定
方偏曰貞孝其彭氏黃氏坤姐候官林氏富姐永
福黃氏淑真福清陳氏細舉林氏細銀俱未旌
林貞女菜姐其妹仁姐閩縣人叅政舜道女也貞
女許嫁長樂中丞陳省子長源于歸有日矣長源
死貞女欲奔其喪父母不可日夜號泣矢志靡他
其妹友厥姊姊不如葷已亦不如葷姊病不能寢
已亦不敢寢積勞瘁先卒貞女益憤鬱嘔血數升
而絕將死曰葬我必之長樂時萬曆五年六月也
士大夫聞之姊貞而妹友卽烈丈夫難之矣叅政

友人林爌哀其志爲楚歌以弔蘭生兮歲蕤沐芳
馨兮爲誰施指蒼天以爲正兮矢肝膽而陳詞曰
余未見君子兮心旣許而不移之死匪他兮幸父
母焉聽之躬自悼兮遂余志夫何女弟之嬋娟兮
友因心而獨至羗日夜其唁余兮忘寢食與勞瘁
彼鵲鴿之在原兮痛婉孌之永棄余旣悲余命之
不辰兮又重之以慘傷涕闌干而橫流兮魂怳怳
而飛揚掩浮雲而上征兮求靈脩乎帝傍過宋都
兮弔伯姬航淇水兮訊共姜歷九疑之嶺岵兮謁
帝女而浮湘形遽遽而不可化兮又難以假翼于
鳳凰吁嗟父母養我不卒兮不如無生覽女圖以
自鏡兮吾慕夫古之人有行雖歸骨于山麓兮惟
皇穹照余之精誠千秋兮萬禩安節兮今名後三
十餘年有

貞女林氏名瓊芳卽太宗伯爌孫女戶部員外郎
世吉女也幼許潮陽令吳萬全之子爾雅未婚而
爾雅卒女年十有六卽欲奔其喪父母難之女重
違父母命從此齋素自持誓必爲吳門鬼間有從

史者聞之輒欷歔泣欲死泣而濱於死者屢父母知其志堅不可轉也蓋足不履閩外者十有二年臨卒曰葬歸于吳合掌念彌陀十數聲而瞑往嘗讀宗伯所吊林貞女辭每爲之泫然淚下乃今宗伯有孫女豈不與大叅之女較烈齊芳哉余又聞貞女幼聰慧其父爲解孝經列女傳諸書貞女固心則之嗚呼是可以見宗伯於地下無忝所生矣論曰余誦詩至栢舟未嘗不廢卷而嘆也夫共伯早夭共姜矢志死而靡他此固操不二之心貞從一之義者也若女子之未字者則雖有父母之命媒妁之言然迂輪未卜結褵未施一失所天其與同死遠視共姜其節彌貞其心彌烈矣嗚呼婉孌季女目不探文史之林足不踰閨闈之闕乃率其秉心爲此殊行流芳千禩照耀兩間一何偉也世有爲丈夫者載質僭爵慕位薰心蘅變爲蕭橘化爲枳昏夜乞而白日驕甚且謂他人父謂他人母有覩面目良足哀矣善乎先正之言曰天下失道道在婦人文夫絕學學在女子

方氏閩縣趙天麟妻嘉靖三十八年倭寇入其鄉
長灣天麟出禦賊舉家浮江賊突至舟驅天麟父
母入水方氏及天麟妹坤淑俱年少恐賊污投于
江同時有福清陳一德妻施氏與小姑陳細娘遇
賊亦相持赴水死

何玉真福清林佺妻也倭寇福清佺父子俱執賊
質佺以求賂而不得佺死何遂自殺時同縣有林
氏者庠生張季臨妻也亦與姑俱執林求以身代
姑免林乃給賊曰我宅前池中大有金寶賊信之
林導往至則自投于水賊以長鎗刺殺之

石采蒿叅政璧之孫女也幼不妄咲語嘉靖間倭
入寇采蒿隨母避之卽繫小刀衣帶間母怪問曰
急卽死耳旣而遇賊赴水陷泥淖中賊欲援之采
蒿自殺數日家人收其屍色如生

吳氏長樂許鑑妻嘉靖間倭寇長樂鑑夫婦俱見
執賊挾刃斃鑑吳抱而哭請代之賊遂殺吳同縣
時有廉氏林師學妻吳玉蓮陳九叙妻俱不肯污
賊死

薛氏福清人年十三許聘林以聰聰尋染惡疾當婚期中外媪媪勸母行薛曰彼孤貧病因俯仰何依乎不聽竟歸林十年舉一子朝夕為夫浣濯無難色夫卒時薛年二十八矣撫孤成立復以壽終萬曆中 詔旌之人咸謂厲而生子夫婦諧伉儷者十年而不相傳染蓋奇節之報云

劉氏名淑真連江黃縉妻縉死劉撫孤應龍聘陳聰小為室無何應龍卒尚未婚陳奔其喪與姑同寢處兩髮箠箠形影相吊 遂姑亡而婦亦隨歿萬

曆十六年 詔旌

葉氏名默福清人知州贈 太子太保葉朝榮女適林守定踰年守定故氏慟哭什地欲以身殉家人察其意伺之密父憐其志欲歸而贍之不聽無何其舅林質卿納富人聘將擁迫以行氏度必不免遂取刃自刎死萬曆十九年 詔旌之

林氏名懋細福清人教諭資瀾女年十七適鄭汝舟汝舟父天佐為惠州府同知攜其子與婦之任明年汝舟還應試數月感疾卒林聞計奔喪馮棺

哭奠閉戶自刎幾絕家人救免藥護之乘間以指
爪決藥斷喉而死萬曆二十二年 詔旌之
林氏福清人長樂何夢卜妻夢卜舉嘉靖丁酉鄉
薦第二人踰年而卒家故貧遺一子起渤林年二
十有四矢志茹荼撫摩督誨既長補郡弟子負爲
娶鄭氏無何起渤又卒未有子鄭年二十有六婦
姑相依爲命紡績治生頻至不能舉火而忍饑俟
死絕無怨色里中人莫不憐之林七十七卒鄭拮
据營葬並葬其夫年六十餘今尚存

陳氏名史姐長樂行十八僕寺卿文沛女適閩縣林
鏡大尹堪之子也鏡曰天氏年方十九哀慟不欲
生姑解之曰婦有娠幸而男乎固延如綫之脉也
氏聞言恐死以俟彌月舉一男甫週而殤氏哀慟
幾絕姑復再四解之曰吾雖老尚有餘年婦念兒
則無捐生棄我氏遂屏葷茹素奉姑至耄耄未嘗
少懈蓋四十餘年家人不聞其聲姑卒年九十二
而氏年六十三矣先是巡按御史何熊祥劉應龍
各扁其廬候題 旌今年七十尚未舉

馬氏大司徒森女適王叅知應鍾子德漢婚逾月
 德漢亡馬欲死者屢已又念夫未有子無為持三
 年喪者迨喪畢私治送終之具請于父曰女今可
 以死矣遂絕食而卒

閩縣

金氏

千戶湯泉妻

李氏

曾理瑤妻

潘氏

謝璫妻子鏞成化間歲貢

陳氏

舉人李烜妻烜大順七年會試

焚死

黃氏

林濬妻子庭桐弘治間歲貢

陳氏

張濬妻

李氏

林克妻

吳氏

鄧標妻

王氏

楊和生妻子永宣德丁未進士

潘氏

陳啓妻子傅正統丙辰進士

林氏

高明妻子圭天順己卯舉人

鄧氏

高孔文妻

姜氏

龔廷達妻

王氏

舉人林玠妻子文續弘治乙丑進士

張氏

陳正謨妻子公陞嘉靖己丑進士

陳氏

鄧煒妻子原王嘉靖己酉舉人

張氏

陳臺妻

許氏

林絡妻孫堪嘉靖癸卯舉人曾孫孫材萬曆癸未進士

鄒氏

莊弘紳妻子嚴嘉靖癸卯舉人

張氏

縣學生鄭洛妻子耀萬曆乙酉

舉人

候官縣

趙氏 林文明妻

藍氏 縣學生王鑾妻

林氏 李徽妻子源成化辛卯舉人

王氏 府學生馬謙妾

懷安縣

蔡氏 舉人馬俊妻孫森嘉靖乙未進士

俞氏 金石妻子文明弘治戊午舉人

長樂縣

陳氏 高伯明妻

陳氏 謝磔妻

陳氏 謝文爵妻爵磔之子

福清縣

王氏 龔孟暘妻

何氏 縣學生郭世治妻子萬程嘉靖

乙未進士

盧氏 主事郭萬程妻

王氏 縣學生林日休妻子偕春隆慶庚午舉人

謝氏 林晚翠妻子延植萬曆辛未進士

王氏 縣學生林岫妻

王氏 楊叔英妻

吳氏 林世泰妻子尚義萬曆乙酉舉人

林氏 何尚友妻

以上已旌者四十人

閩縣

鍾氏 林廷振妻子子深 鄧氏 舉人余庭彬妻

高氏 舉人鄭世澤妻子子餘 慶正德丁卯舉人

葉氏 劉文斌妻孫世揚 正德丁丑進士

陳氏 知府孟玘繼妻子 高弘治己卯舉人

何氏 縣學生 朱氏 林澤妻澤廣之子

唐氏 陳暉妻 葉氏 陳泰妻

胡氏 陳瑄妻 王氏 陳佳妻

王氏 劉聰妻 林氏 葉維節妻

張氏 陳賢妻 李氏 趙懋妻

吳氏 教諭李廷韶妻 鄭氏 副使陳叔紹妻

林秀卿 楊文正妻 楊氏 陳珍妻

陳氏 縣學生 李氏 陳紹惠妻

黃氏 林世融妻 羅氏 楊琪妻教諭澤女

陳氏 沈聰妻 曾氏 府學生黃渙妻

林氏 陳鳳岐妻嗣子聯 芳嘉靖丙辰進士

陳氏 葉英妻子繼熙 李氏 縣學生蔣國華妻 嘉靖庚子舉人

張氏 鄧魁妻

劉氏 贈太常少卿謝蕢妻

謝氏 舉人其一 獲妻

陳氏 舉人林允大妻

余氏 林世顯妻

歐氏 周詔妻

邵氏 贈主事陳源清妾

張氏 舉人李鳴金妻

陳氏 舉人林良材妻

王氏 貢士林庭奎妾

黃氏 縣學生劉尚敬妻

謝氏 縣學生鄧應禎妻

吳氏 林道行妻

董氏 鄭人彥妻

陳氏 縣學生鄭鼎夫妻

陳氏 鄭淡妻

葉氏 張紹葵妻

鄭氏 張邨妻

孫氏 張璉妻曾孫炳萬曆癸酉舉人

楊氏 葉干洞妻

王氏 舒棉妻

鄭氏 林公遷妻

倪氏 縣學生鄭宗德妻

蔡氏 董汝元妻

鄭氏 林朝賓妻

陳氏 董世連妻

陳氏 林世芳妻

孫氏 王用賓妻

鄭氏 唐桂妻

吳氏 縣學生李大林妻

王氏 李一鵬妻鵬犬林嗣子

陳氏 舉人袁敬德妻

林氏 縣學生黃壁妻施氏壁妾

劉氏 陳煥妻

候官縣

林氏 何晏妻子瓊永

吳氏 趙聰妻子正宣

張氏 俞士

王氏 楊源妻子澄宣

許氏 盧建

李寄娘 林繼

張氏 楊文

陳氏 理問林

戴氏 張道

周氏 舉人鄭

陳氏 縣學生王

陳氏 張鑑

鄭氏 楊英

薛氏 林栢

黃氏 右衛謝

林氏 縣學生陳

林氏 鄭汝

李氏 舉人林

王氏 縣學生

葉氏 高允升妻進

卞氏 縣學生馮

馮氏 縣學生陳

莊氏 舉人鄭

劉氏 縣學生

懷安縣

俞氏 黃應妻子安永

陳氏 劉伯

許氏 劉伯

吳氏 王惟

胡氏 徐明

趙氏 徐誠

丘氏 徐景

陳氏 林志

姜氏 舉人馮

潘氏 中衛武生

葉氏 縣學生劉用譽妻

劉氏 左衛指揮李榮妻

古田縣

羅氏 縣學生楊琳妻

李氏 縣學生鄧楊宗妻

沈氏 李拳妻

蘇氏 林濡妻

羅氏 縣學生陳時中妻

朱氏 縣學生李脩妻

張氏 縣學生陳祚妻

陳氏 丁子文妻

秦氏 王松繼妻

陳氏 王焮妻松之子

陳氏 王煒妻松之子

高氏 縣學生余元機妻

陳氏 知事丁德崇繼妻

周氏 陳九思妻

黃氏 胡廷祐妻

林氏 舉人魏焯妻

李氏 余元佳妻

曾氏 卓中行妻

魏氏 陳復陽妻

曾氏 陳應時妻

游氏 林田妻

閩清縣

陳氏 縣學生羅步洲妻

詹氏 縣學生孫汝濂妻

朱氏 謝邦爍妻

許氏 何王孝妻

何氏 黃玄宗妻

池氏 貢生林一舉妻

林氏 許文滄妻

長樂縣

鄭氏 陳叔 謨妻

林氏 陳植 妻

高氏 陳則 淵妻

吳氏 陳天 與妻

林氏 王公任 妻子文 謙文誠俱貢士

周氏 蔣后武 妻孫行 義萬曆丙戌進 士魯孫奕芳萬曆庚子舉人

謝氏 陳用 和妻

連江縣

趙氏 縣學生 陳寶妻

丘氏 孫坦 妻

羅源縣

歐氏 縣學生 王德元妻

沈氏 縣學生 全大倫妻

鄭氏 郎中 左光被妻

永福縣

方氏 林愈 妻

石氏 陳洪 妻

陳氏 劉宗 善妻

陳氏 縣學生 謝廷最妻

林氏 黃伯 頃妻

鄭氏 陳宗 妻

滕氏 王復 源妻

許氏 陳博 善妻

黃氏 吳著 妻

阮氏 陳鏡 妻

林氏 陳敬 妻

林氏 王拱 妻

方氏 王拱 妻

林氏 王拱 妻

林氏 王拱 妻

林氏 王拱 妻

福清縣

劉氏 陳敏妻

林氏 邵舜民妻

陳氏 邵德洪妻德洪舜民之子

衛氏 給事中薛廷寵妾

莊翠娘 張孟堅妻

林氏 李彥祥妻

林懋娘 鄭玄妻

莊氏 嚴有章妻

閻氏 鎮東衛千戶呼文靜妻子良朋任都督

王氏 林實妻

陳氏 縣學生方廷揚妻

林氏 陳瑤玖妻

林柏女 余文宦妻

鄭氏 何天福妻

張蘭娘 鎮東衛人卓應嶽妻

朱氏 陳崇華妻

李氏 陳孔詩妻

蔡氏 知縣鄭時化妾

金氏 林應科妾

毛氏 林文鵬妻

以上應旌未旌者一百六十九人

論曰向余宦京師蓋聞少保江右吳公與群公爭論也時有大臣夫人早寡者其家欲請旌典吳公在禮曹弗許也或又為之關說吳公怒曰既命婦矣其又何旌焉雖然少保之言是也而猶有所未盡也夫命婦者固有以夫貴者亦有以子貴者矣以夫貴者是貴而節也以子貴者是節而貴也貴

而節不必旌矣若夫節而貴者不幸而胤遺腹撫孩提大抵艱貞萬狀當是時也彼豈預知其必能成立而徼他日之福者哉是故其節也以夫其貴也以子則命之爲恩旌之爲教蓋並行而不悖者也惜也其時未有以茲說告吳公者以定一代之彝制也我國家著令甲凡節婦當旌者歲終大宗伯必率其屬恭遇

天子御朝乃廷揚之若是其重也是故教化者天下之首務也賢有司者之所急也然而閨閫之善每壅於上聞者或產窮鄉或出敝族或貧無爲之助或賤無爲之言卽能自達州郡者鮮矣幸而得達又稽勘待報動淹旬月姦胥墨吏得操柄與市逮歲稍久則不復省錄矣雖幽蘭不以無人而不芳貞女不以無知而改操然甚非所以勸善而風化天下也茲固非余之所得與議者也吾郡列女簡其尤異詳著于篇應旌者列名于左以待賢有司之舉若節而貴者亦別而列之庶盛時公卿斟酌典禮或有采于余前論云

林文恪
舊志

福州府志卷之六十九終

福州府志

卷之十九

三

